



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆԻ**

Հայաստանի Հանրապետության Կոտայքի մարզի Բյուրեղավան համայնք
Վազգեն Ա Վեհափառի փողոց, հեռ. (0222) 65203, էլ. փոստ byureghavan.kotayq@mta.gov.am

ԱՐՁԱՆԱԳՐՈՒԹՅՈՒՆ N 10

14 սեպտեմբերի 2018 թվական

ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ԱՐՏԱՀԵՐԹ ՆԻՍՏԻ

Համայնքի ավագանու նիստին ներկա էին ավագանու 6 (վեց) անդամներ:

Բացակա էին Հայկազ Բաղդասարյանը, Արման Խանգադյանը, Սլավիկ Հարությունյանը,
Վարդան Սուքիասյանը և Հայկ Վարդևանյանը:

Ավագանու նիստին մասնակցում էին՝

Բյուրեղավանի համայնքապետարանի Նոտնուս բնակավայրի վարչական ղեկավար Մնացական
Գևորգյանը, համայնքապետարանի իրավաբան Հովհաննես Լալայանը և համայնքապետարանի
ներքին աուդիտի բաժնի պետ Նինա Մարկոսյանը:

Նիստը վարում էր համայնքի ղեկավար Հակոբ Բալասյանը:

**Նիստն արձանագրում էր համայնքապետարանի աշխատակազմի քարտուղարի
ժամանակավոր պաշտոնակատար, ներքին աուդիտի բաժնի պետ Նինա Մարկոսյանը:**

Մինչև նիստի օրակարգին անցնելը համայնքի ղեկավար Հակոբ Բալասյանը հայտարարեց, որ
ավագանու տասնմեկ անդամներից նիստին ներկա են վեցը, քվորումն ապահովված է և
առաջարկեց սկսել նիստը:

Լսեցին

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ
2018 ԹՎԱԿԱՆԻ ՍԵՊՏԵՄԲԵՐԻ 14 -Ի ԱՐՏԱՀԵՐԹ ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

/Զեկ. ՀԱԿՈԲ ԲԱԼԱՍՅԱՆ/

Համաձայն «Տեղական ինքնակառավարման մասին» օրենքի 14-րդ հոդվածի 6-րդ մասի՝
ավագանին որոշում է.

1. Հաստատել Հայաստանի Հանրապետության Կոտայքի մարզի Բյուրեղավան համայնքի
ավագանու 2018 թվականի սեպտեմբերի 14-ի արտահերթ նիստի օրակարգը՝

1) Վահագն Գուլոյանի կողմից 2006 թվականին աճուրդային կարգով ձեռք բերված հողամասի
նկատմամբ իրավունքի հարկադիր դադարեցման մասին,

2) Հայաստանի Հանրապետության Կոտայքի մարզպետին առընթեր երիտասարդական խորհրդի
կազմում ընդգրկվելու համար Բյուրեղավան համայնքի ներկայացուցիչներ առաջադրելու մասին:

2. Սույն որոշումն ուժի մեջ է մտնում ընդունման պահից:

Կողմ- 6 Դեմ- 0 Ձեռնպահ-0

Որոշումն ընդունված է. /որոշում N 51-Ա/

Օրակարգը հաստատելուց հետո ներկայացվեց հերթական որոշման նախագիծը:

Լսեցին

ՎԱՀԱԳՆ ԳՈՒԼՈՅԱՆԻ ԿՈՂՄԻՑ 2006ԹՎԱԿԱՆԻՆ ԱՃՈՒՐԴԱՅԻՆ ԿԱՐԳՈՎ ՁԵՌՔ ԲԵՐՎԱԾ
ՀՈՂԱՄԱՍԻ ՆԿԱՏՄԱՄԲ ԻՐԱՎՈՒՆՔԻ ՀԱՐԿԱԴԻՐ ԴԱԴԱՐԵՑՄԱՆ ՄԱՍԻՆ

/Զեկ. ՀՈՎՀԱՆՆԵՍ ԼԱԼԱՅԱՆ/

Համաձայն «Տեղական ինքնակառավարման մասին» օրենքի 18-րդ հոդվածի 1-ին մասի 42-րդ
կետի, Հողային օրենսգրքի 102-րդ հոդվածի 1-ին մասի 3-րդ և 5-րդ կետերի և հիմք
ընդունելով այն հանգամանքը, որ Վահագն Գուլոյանի կողմից հողամասի ձեռք բերումը
կատարվել է հողամասն աճուրդով վաճառելու մասին 2006 թվականի նոյեմբերի 28-ի թիվ 11
կեղծված արձանագրության օգտագործմամբ՝ ավագանին որոշում է.

1. Հողամասն աճուրդով վաճառելու մասին 2006 թվականի նոյեմբերի 28-ի թիվ 11 կեղծված
արձանագրության օգտագործմամբ Վահագն Գուլոյանի կողմից Երևան-Սևան միջպետական
ավտոմոբիլային ճանապարհին հարող տարածքում գտնվող 5000 (հինգ հազար) քառակուսի
մետր գյուղատնտեսական նշանակության հողամասի (ծածկագիր 07-051-0315-0002, կող 315-001)
ձեռք բերման իրավահաստատող փաստաթղթերը և Հայաստանի Հանրապետության Կոտայքի
մարզպետի հանձնարարականի հիման վրա կատարված ուսումնասիրությունների վերաբերյալ

նյութերն ուղարկել Հայաստանի Հանրապետության Կոտայքի մարզի դատախազին՝ օրենսդրությամբ սահմանված կարգով ընթացք տալու համար:

2.Նոր երևան եկած հանգամանքների հիման վրա վերաքննիչ բողոք ներկայացնել Հայաստանի Հանրապետության Վարչական դատարանի 2008 թվականի հունիսի 26-ի վճիռը բեկանելու, նախկին Նոտնուս համայնքի և Վահագն Գուլոյանի միջև 2006 թվականի դեկտեմբերի 1-ին կնքված անշարժ գույքի աճուրդային վաճառքի պայմանագիրը լուծելու, հողամասի նկատմամբ Վահագն Գուլոյանի սեփականության իրավունքի դադարեցման և որպես Նոտնուս համայնքի իրավահաջորդը՝ Բյուրեղավան համայնքի սեփականության իրավունքը ճանաչելու պահանջներով:

3.Սույն որոշումն ուժի մեջ է մտնում ստորագրման օրվանից:

Կողմ-6 Դեմ- 0 Ձեռնպահ-0

Որոշումն ընդունված է. /որոշում N 52-Ա/

Լսեցին
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶՊԵՏԻՆ ԱՌԸՆԹԵՐ ԵՐԻՏԱՄԱՐԴԱԿԱՆ ԽՈՐՀՐԴԻ ԿԱԶՄՈՒՄ ԲՅՈՒՐԵՂԱՎԱՆ ՀԱՄԱՅՆՔԻ ՆԵՐԿԱՅԱՑՈՒՑԻՉՆԵՐ ԱՌԱՋԱԴՐԵԼՈՒ ՄԱՍԻՆ

/Զեկ. ՆԻՆԱ ՄԱՐԿՈՍՅԱՆ/

Համաձայն «Տեղական ինքնակառավարման մասին» օրենքի 18-րդ հոդվածի, հիմք ընդունելով Հայաստանի Հանրապետության վարչապետի 2014թվականի փետրվարի 10-ի N85-Ա որոշումը և Կոտայքի մարզպետի 2018թվականի հուլիսի 11-ի N1/13.2/3130-18 գրությունը՝ ավագանին որոշում է.

1.Հայաստանի Հանրապետության Կոտայքի մարզպետին առընթեր երիտասարդական խորհրդի կազմում ընդգրկվելու համար Բյուրեղավան համայնքից առաջադրել ներկայացուցիչներ՝

1)խորհրդի պետական հատվածը ներկայացնող՝ Բյուրեղավան համայնքի ղեկավարի տեղակալ Միշա Եղիազարյանին,

2)խորհրդի ոչ պետական հատվածը ներկայացնող՝ Անահիդ Արմենի Խաչիկյանին՝ ծնված 1999 թվականի մայիսի 2-ին:

2.Սույն որոշումն ուժի մեջ է մտնում ստորագրման օրվանից:

Կողմ-6 Դեմ- 0 Ձեռնպահ-0

Որոշումն ընդունված է. /որոշում N 53-Ա/

Օրակարգի հարցերը սպառովեցին:

Ավագանու նիստն ավարտվեց:

Ավագանու անդամներ՝

ԳԵՈՐԳԻ ԱՂԱԶԱՆՅԱՆ



ՎԱՀՐԱՄ ԱՊՐԵՍՅԱՆ



ԱՎԵՏԻԲ ԱՍՈՅԱՆ



ԱՐՏՅՈՄ ԱՎԱԳՅԱՆ




ԱՐԳՄ ՇԱՌՅԱՆ



ԱՐՄԱՆ ՕՀԱՆՅԱՆ




ՀԱՄԱՅՆՔԻ ՂԵԿԱՎԱՐ



Հ.ԲԱԼԱՍՅԱՆ

ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄԻ ԲԱՐՏՈՒՂԱՐԻ ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ,
ՆԵՐՔԻՆ ԱՈՒԴԻՏԻ ԲԱԺՆԻ ՊԵՏ՝



Ն.ՄԱՐԿՈՍՅԱՆ